

Chanelle Fortin di San Nicolas Uni a bira Reina Infantil di Carnaval 47



ORANJESTAD - San Nicolas Uni un biaha mas a bin fuerte durante eleccion di Reina di Carnaval Infantil cu a tuma lugar ayera nochi na Don Elias Mansur Ballpark. San Nicolas Uni a logra e titulo maximo pa Reina Infantil di Aruba su carnaval 47 den nomber di su candidata, Chanelle Fortin.

Grandi tabata e presentacion di e 12 candidatanan cu a participa den e certamen aki y sin duda tur merece bira reina mirando e esfuerzo grandi cu nan a haci hunto cu su mayornan

pa haci un bon papel durante e evento carnavalezco aki.

E felicidad y alegria tabata grandi entre e candidatanan cu a resulta finalista den eleccion di reina Infantil di Carnaval 2001.

Como mihor trahe a resulta, Armidah Meeuwised kende ta candidata di Dream Kids. E di cuater finalista a resulta e representante di Dakota, Samira Mathilda; tercera finalista e candidata di San Nicolas cu ta Amade Frias; e di dos finalista a resulta Armindah



Meeuwisse, representando Dream Kids cu a bai cu dos titulo ayera anochi; y e promer finalista a resulta Ruthseline de Kort kende a representa Mini Chaz Model y San Nicolas Uni a bai cu e titulo di Reina di Carnaval Infantil 2001. Un pabien na tur e participantenan y organizador di e certamen exitoso aki.